



## ORDENANZA FISCAL REGULADORA DO IMPOSTO SOBRE ACTIVIDADES ECONÓMICAS NO CONCELLO DE REDONDELA

### Artigo 1.-

De conformidade co disposto nos artigos 60.1 e 79 a 92 da Lei 39/1988 do 28 de decembro, reguladora das facendas locais -modificada polo Real Decreto Lei 4/90 e pola Lei 6/91, e disposicións legais de desenrolo-, o Imposto sobre Actividades Económicas será de esixencia obrigatoria no Concello de Redondela, sendo das cuotas mínimas as establecidas polo Goberno mediante o Real Decreto Lexislativo 1.175/90, e modificacións efectuadas polas sucesivas Leis de orzamentos xerais do Estado.

### Artigo 2

**2.1** Sobre as cuotas municipais, modificadas pola aplicación dos coeficientes de ponderación legalmente previstos, establécense os seguintes coeficientes de situación:

| Rúa   | Categoría      | Coeficiente |
|---|----------------|-------------|
| A totalidade das comprendidas dentro do solo urbano industrial e no solo urbanizable industrial nas Normas Subsidiarias de Planeamento de ámbito municipal de Redondela e do PERI de Chapela..... | 1 <sup>a</sup> | 2,54        |
| Rúa Alfonso XII.....  | 2 <sup>a</sup> | 2,22        |
| Rúa José Regojo.....  | 2 <sup>a</sup> | 2,22        |
| Rúa Riveira.....  | 2 <sup>a</sup> | 2,22        |
| Rúa Casto Sampedro.....   | 2 <sup>a</sup> | 2,22        |
| Praza da Constitución.....  | 2 <sup>a</sup> | 2,22        |
| Praza de Santiago.....  | 2 <sup>a</sup> | 2,22        |
| Praza de Ribadavia.....   | 2 <sup>a</sup> | 2,22        |



CONCELLO DE REDONDELA

|   |    |      |
|---|----|------|
| Avda. de Redondela desde o Pavillón de Deportes Municipal até a entrada da Autopista do Atlántico.....  | 2ª | 2,22 |
| Avda. de Vigo desde a ponte da Renfe até a rúa San Telmo.....   | 2ª | 2,22 |
| Resto de rúas, prazas e avenidas do casco urbano de Redondela non incluídas nas categorías 1ª e 2ª..... | 3ª | 2,12 |
| Resto de rúas, prazas e avenidas do casco urbano de Chapela non incluídas nas categorías 1ª e 2ª.....   | 3ª | 2,12 |
| Resto de entradas, rúas, prazas e avenidas non incluídas nas categorías 1ª, 2ª ou 3ª .....              | 4ª | 2,01 |

**2.2** Para determinar o coeficiente de situación, cando sexan varias as vías públicas a que dea a fachada dun establecemento ou local, tomarase o coeficiente que corresponda á vía de categoría superior, sempre que nesta exista -aínda en forma de chaflán- acceso directo e de normal utilización ó recinto.

**2.3** No suposto de que, por atoparse en sotos, plantas interiores, etc., os establecementos ou locais carezan propiamente de fachadas á rúa, aplicarase o coeficiente de situación correspondente á categoría da rúa onde se atope o lugar de entrada ou acceso principal.

**2.4** Se unha mesma actividade se exerce en varios locais, o suxeito pasivo estará obrigado a satisfacer tantas cotas mínimas municipais, incrementadas co coeficiente de situación, regulado no artigo 8 desta Ordenanza, cantos locais nos que exerza a actividade. Se nun mesmo local se exercen varias actividades, satisfarán tantas cuotas cantas actividades se realicen, aínda que o titular de estas fose a mesma persoa ou entidade, aplicando para a valoración do elemento superficie, o disposto, na Regra 14ª.1.F) g) da Instrucción do Imposto.



CONCELLO DE REDONDELA

### **Artigo 3.-**

Ao abeiro do disposto no artigo 88. 2 e) do Real Decreto legislativo 2/2004, de 5 de marzo, que aproba o texto refundido da Lei reguladora das facendas locais, establécese unha bonificación na cota íntegra do imposto a favor das actividades económicas que sexan declaradas de especial interese ou utilidade municipal por concorrer as circunstancias de fomento do emprego que se detallan. Esta medida será de aplicación unicamente a aqueles supostos de implantación dunha nova actividade económica ou empresarial, así como a aqueles outros que consistan nunha ampliación das instalacións sempre e cando implique creación de emprego.

Corresponderá dita declaración ao Pleno da Corporación e se acordará, previa solicitude do suxeito pasivo, por voto favorable da maioría simple dos seus membros.

O prazo de aplicación desta bonificación comprenderá os tres períodos impositivos seguintes ao da súa concesión.

A porcentaxe de bonificación será a seguinte:

- 95 por 100 pola creación de máis de 20 postos de traballo.
- 75 por 100 pola creación de entre 11 e 20 postos de traballo.
- 50 por 100 pola creación de ata 10 postos de traballo.

Para gozar da bonificación a que se refire este apartado, deberán concorrer os seguintes requisitos:

- Para a aplicación desta bonificación deben concorrer as figuras de suxeito pasivo do imposto e titular da actividade que promova o fomento do emprego.
- A solicitude de declaración de especial interese ou utilidade pública municipal por fomento do emprego, deberá realizarse antes do 31 de xaneiro do período para o que se solicite a bonificación.
- A solicitude deberá acompañarse documentación acreditativa de que se cumpren os requisitos previstos no presente apartado.
- O inmovible para o que se solicita a bonificación debe estar radicado no termo municipal de Redondela e ha de constituír o centro de traballo no que se adoptan as medidas de fomento do emprego.
- As contratacións deberán supoñer un incremento de persoal. No caso de actividades xa existentes, haberá de xustificarse que nos dous anos anteriores non houbo diminución de persoal no conxunto dos centros de traballo radicados no municipio de Redondela, ou no caso de existir diminución, esta fose recuperada no momento de solicitar a bonificación. En relación ás contratacións efectuadas polo solicitante da bonificación, haberán de observarse os seguintes extremos:



CONCELLO DE REDONDELA

— As contratacións deberán realizarse no ano anterior ao período no que se solicita a bonificación, xustificándose ademais cos documentos correspondentes ás súas cotizacións sociais.

— Haberá de xustificarse a condición de desempregados nos seis meses anteriores á contratación e a inexistencia de relación laboral coa persoa física ou xurídica contratante durante os doce meses anteriores á data da contratación.

— As contratacións deberán ser por unha xornada mínima de 30 horas semanais.

— As persoas contratadas non deben rexeitar oferta de emprego adecuada nin negarse a participar, salvo causa xustificada, en accións de emprego.

— Os contratos poderán ser:

— Indefinidos: Haberán de selo a xornada completa e manterse, xunto coa media do persoal de traballadores da actividade, polo menos durante un período de dous anos a partir da súa contratación. Considerarase incremento de persoal a consolidación de contratos temporais previamente existentes co compromiso de permanencia anterior.

— Temporais: Haberán de selo por unha duración mínima dun ano. Neste tipo de contratos, como requisitos adicionais dos contratados, haberán de terse en conta os seguintes aspectos:

a) Ser maior de 30 anos, con cargas familiares e non percibir prestación algunha por desemprego.

b) Ser maior de 45 anos, beneficiarios da renda activa de inserción e esgotar as prestacións ordinarias de desemprego.

Para poder gozar da bonificación prevista no presente apartado, o suxeito pasivo beneficiario deberá estar ao corrente no pago das súas débedas coa Facenda Municipal e nas cotas correspondentes á Seguridade Social.

O goce definitivo da presente bonificación quedará condicionado, así mesmo, ao compromiso, por parte do titular da actividade, de que non se producirá o peche dos centros de traballo, por traslado a outro termo municipal ou outro Estado, no prazo dos tres anos seguintes á concesión da bonificación.

Así mesmo, a recadación do imposto en período executivo e polo procedemento administrativo de prema, determinará tamén a perda da bonificación que se puido conceder ou aprobar con anterioridade.

O Concello de Redondela comprobará, mediante o previo requirimento da oportuna documentación, que se mantiveron os requisitos esixidos para a bonificación prevista no presente artigo. En caso de incumprimento das



CONCELLO DE REDONDELA

mesmas, perderase a bonificación concedida, procedéndose á regularización da situación tributaria.

### **Aprobación e vixencia.-**

A presente modificación da ordenanza foi aprobada inicialmente polo Pleno da Corporación Municipal en sesión celebrada o 9 de marzo de 2018 e, ao non ser presentadas alegacións, o acordo quedou elevado automaticamente a definitivo. Comezase a aplicar o día 1 de xaneiro de 2019 e manterase en vigor mentres non se acorde a súa derogación ou modificación expresa.

### Publicacións Boletín Oficial da Provincia de Pontevedra:

- BOP número 103 do 31.05.1994
- BOP número 86 do 07.05.2003
- BOP número 247 do 27.12.2005
- BOP Número 93 do 15.05.2018